

Առած ու սիրով տարած՝ իւր ծոցուն տէր մի է դըրած.
 Իւր ծոցն է լուսով լըցած, իւր նըման իսկի չէ ծընած.
 Աշխարհս օրինակ առած՝ Լ իր նըման իսկի չէ գըտած:

Բ .

Գիշերս ես ի խումս էի, խումս ի ձեր դռկանց ի վերայ.
 Իմ եարս ալ կանգնած տեսայ իր ճուհար անձկանց ի վերայ.
 Իլից ինձ գաւաթ՝ Լ երես իր մոմէ մատկանցն ի վերայ:
 - Կամ ա՛ռ կամ խապար արա՛, կամ գըրէ՛ անձըս քեզ ծառայ.
 -Ո՛չ կ'առնում խապար կ'անեմ, ո՛չ գըրեմ զանձըս քեզ ծառայ:

Գ .

Ոնց որ գիրկուծոց եաք, նենգաւոր հաւըն խօսեցաւ.
 Դանակ, շամփուր ան հաւին, բարկ կըրակ որ զինք խորովէ.
 Առնումք զինք լեռկունքն ելլենք, զինք տիքամ տիքամ բաժանենք,
 Տիքամ տիքամ բաժանենք, ես ու իմ եարըս մէն ուտենք,
 Ոսկորքն ալ տաճար շինենք, իր թեպուրն ան տաճրին աճար:

ՈՒԹԵՐՈՐԴ ՏԱՂԱՇԱՐՔ

Ա .

Պլպուլն ի թըփին նստեր ֆըրիատ ու տատ կու կանչէ:
 Զան զիս պզտիկիկ ձագուկ հաւն զիմ դուսան չի քաշէ.
 Տարին տասներկու ամիս փուշըն զիմ կաշին կու մաշէ.
 Ըզվարդն ի թըփին բերեն, գայ ամեն անգետ զնա քաղէ:

Բ .

Մէկ մարդ մի գփետատն ունի ու զվարդին տակըն կու փորէ.
 Պլպուլն ի վարդին սիրուն զիւր վըզիկըն դեմ կու բերէ.
 Վարդն ալ ի թըփին միջին սուտ ի քուն ու գայն կու լըսէ.
 Դարձեալ պատասխան երես՝ «Զու աղէկն Աստուած վըճարէ»: